



Inatsisartuni ilaasortaq
Mariane Paviasen
Inuit Ataqtigiit

**§ 37 naapertorlugu apeqquteqaammut 11-mut 2021-meersumut akissuteqaat,
Kuannersuarmut tunngatillugu VSB pillugu nalunaarut**

05-02-2021
Sags nr. 2021 - 2175
Akt nr. 15939078

Apeqqutinut qujanaq.
Apeqqutit ima akerusuppakka:

Postboks 1160
Tlf: 34 50 00
Fax: 34 55 05
3900 Nuuk

Email: pn@nanoo.gl
www.naalakkersuisut.gl

- 1. Kuannersuarni aatsitassarsiorniarluni VSB-rapportimi ima
allassimasoqarpoq: "Suliarineqartussat akuerineqarnissaannut
oqartussaqaarfiit attuumassuteqartut - peqqissutsimut, suliffeqarfimmi
peqqissutsimut qinngornernut assigisaanullu oqartussaqaarfiusut
akisussaaffimmik paarinnittut piumasaqaasiorumaarput, taakkualu
aallaavigalugit inaarutaasumik akuersissuteqarneq
tunniunneqarsinnaajumaarluni"
Peqqissutsimut tunngasunik oqartussaasut aalajangiussaqaarsimanerpat
taakkununga?**

Aatsitassarsiornissamut tunngatillugu siunissami akuersissuteqarneq pillugu
apeqquteqartoqarpoq, tassungalugu tunngatillugu akuersissuteqartussaqaq tassaavoq
Aatsitassanut oqartussaqaarfik, tassungalugu tunngatillugu, piumasaqaatit ilanngullugit,
akuersissuteqarnissamut pisinnaatitsissummillu tunniussisoqarnissamut sulii
peqqinnissaqaarfik imarisaasunut oqaloqatigineqanngilaq.
Apeqquteqaammi tunngavigineqarpoq suliffeqarfiup VSB-imut nalunaarusiaa,
tamannalu Aatsitassanut Naalakkersuisoqarfiup akisussaaffigaa.

Apeqqutip akineqarnissaanut Aatsitassanut Naalakkersuisoqarfik
ilanngussitinneqarnikuuvoq. Aatsitassanullu Naalakkersuisoqarfik ima paasissutissiivoq:

*"Aap, ilumoorpoq eqqaariikkattuut, VSB-mut nalunaarummi sumiiffinni
ataasiinnanngitsumi allassimammatt "Suliarineqartussat akuerineqarnissaannut
oqartussaqaarfiit attuumassuteqartut - peqqissutsimut, suliffeqarfimmi peqqissutsimut
qinngornernut assigisaanullu oqartussaqaarfiusut akisussaaffimmik paarinnittut
piumasaqaasiorumaarput, taakkualu aallaavigalugit inaarutaasumik akuersissuteqarneq
tunniunneqarsinnaajumaarluni".*

*Aallaqqaasiutigalugu naqissuserusuppara paaasinnaanermut akuersissuteqarnermi
aatsitassat suullunniit aatsitassarsiutiginissamut pisinnaatitsissummik
imaqanngimmat. Paaasinnaanermut akuersissummik tunniussineq "sumiiffinnut
aalajangersimasunut" atuuttarpoq, taannalu atorlugu suliffeqarfik kisermaassilluni
sumiiffimmi aatsitassanik aalajangersimasunik paaasinnaavoq, piarneqaqqusaasullu
akuersissummi allassimapput. Suliffeqarfik paaasinnaaminut akuersissummik
tunneqarsimagaluaruniluunniit sulii piumasaqaateqarpoq. Tassa taamanna VSB-imi*

innersuunneqartoq, taakkualu tassaapput siunissami akuersissummik pisinnaatitsissummilluunniit tunniussisoqaraluarpat piumasaqaasersugassat. Aatsitassarsiornermut atatillugu allakkiat sisamat atorlugit piumasaqaasiortoqartarpoq: 1) Aatsitassanut inatsimmi § 16-imi allassimasut malillugit paaasinnaanermut akuersissut, 2) aatsitassanut inatsimmi § 19-imi § 43-umilu allassimasut malillugit paaanerup nalaani matusinerullu nalaani piumasaqaatit aammalu 3) aatsitassanut inatsimmi § 83 malillugu ingerlanneqarsinnaasunut akuersissut kiisalu 4) aatsitassanut inatsimmi § 78a-mi allassimasut malillugit IBA-mut isumaqatigiissut.

Eqqaaneqareersutut paaasinnaanermut akuersissut malillugu suliffeqarfik aatsitassanut pineqartunut kisermaassilluni aatsitassarsiorsinnaalertarpoq. Akuersissutip iluani sinaakkusiorortoqartarpoq taannalu atorlugu piumasaqaasersuisoqartarluni, soorlu kalaallinik sulisoqarnissaq, pisiassanik kiffartuussinernullu pilersuisusaaq, aatsitassat suliareqqaarneqarnissaat, royalty-nik akileraarutinillu akilersuinissaq, nalunaartussaataitaneq, saliineq avatangiisinullu nakkutiginninneq, taarsisussaataitaneq, sillimmasiineq kiisalu sillimaniarnisamat tunngassuteqartut. Assersuutitut takuneqarsinnaavoq Tanbreez Mining Greenland A/S-imut paaasinnaanermut akuersissutip ilusaa (<https://govmin.gl/wp-content/uploads/2020/09/Exclusive-Exploitation-Licence-Tanbreez-Mining-Greenland-2020-54.pdf>)

Paaasinnaaneermut akuersissutip tunniutereernerata kingorna allakkiat tulliuuttut atorlugit suli piumasaqaasersuisoqartarpoq:

1. Atuinissamat matusinissamullu tunngatillugu § 19 aamma § 43 – taakku malillugit ersarissummik tunisassiornissaq nassuiaatigineqassaaq kiisalu aatsitassarsiorfissap sanaartorneqarnissaanut pilersaarutit tamarmik saqqummiunneqassallutik. Uanilu ersarinnerusumik assersuutigalugu suliareqqaarinninnissamat piumasaqaasiortoqartarpoq, tassunga ilanngullugu mingutsitsinissamat qinngornernut, saliinermut avatangiisinut nakkutiginninnermut, sillimmasiinnermut kiisalu sillimaniarnissamat tunngasut. Piumasaqaatit pineqartut suliarinissaannut oqartussa qarfiit suliamut naapertuuttut suleqatigineqartarput – tassunga peqqinnissamat tunngatillugu oqartussa qarfiit.
2. § 86-imi suliassanut akuersissuteqarneq – tassa suliniummi attaveqaatinut tunngatillugu suliaqarnissamat akuersissutit tamarmik. Akuersissummi assersuutigalugu ilanngunneqartarput illut atorneqarnissaat, sanaartugassat sukumiisumik akuerineqarneri, aqqusiniornissat, aatsitassarsiorfissap akuerineqarnera, qartiterinissamat akuersissuteqarneq assigisaallu.
3. IBA-mut isumaqatigiissut – taanna piginnittussaataitaasup Kommunep Namminersorlutik Oqartussallu akornanni isumaqatigiissutaavoq. Isumaqatigiissummi pineqartummi ersarissummik piginnittussaataitaasumut piumasaqaasiortoqartarpoq, tassanilu pineqartut tassaapput sumiiffimmi sulisinnaasut atorneqarnissaat aammalu sumiiffimmi pilersuisinnaasut atorneqarnissaat. Isumaqatigiissut pineqartoq isumaqatigiissutigineqartarpoq paaasinnaanermut isumaqatigiissutip tunniunneqarneranut atatillugu.

Maannakkumut qinngornernut innuttaasullu peqqissusaannut assigisaannullu tunngassuteqartut suli "oqartussat naapertuuttut" piumasaqaasersuiffiginngilaat. Taakkualu suliap ingerlateqqinneqarnerani Paaasinnaanermut matusinissamullu pilersarusiortoqalerpat aatsaat iserfigineqassallutik.

Piiaasinnaanermut matusinissamullu akuersissutaasinnaasup tunniunneqannginnerani Aatsitassanut oqartussaqaarfimmit oqartussaqaarfiit naapertuuttut ilanngunneqarumaarput. Oqartussaqaarfiillu tulliuttut minnerpaamik ilanngunneqartussat tassaapput: 1) Peqqissutsimut Naalackersuisoqarfik – qinngornernut illersornissamut akisussaasoq, 2) Nunatsinni Nakorsaaneq – ataatsimut isigalugu innuttaasut peqqissusaannut akisussaasoq aammalu 3) Kalaallit Nunaanni Sullivinnik Nakkutilliisoqarfik – taakkualu sulinermi avatangiisinut tunngatillugu akisussaasuupput. VSB-imullu nalunaarummi taakkuupput oqartussat piumasaqaasiortussat. Piumasaqaatit pineqartut tamarmik piginnittussaataasup naammassisussaavai.”

2. Peqqissutsimut Naalackersuisoq innuttasunut ataatsimiisitsiqassappat Narsami- Qaortumi – Qassiarsummi - Igalikumi aammalu Narsarsuarmi peqataatinneqassava?

Peqqissutsimut Naalackersuisup tusarniaanermi ataatsimiisitsinerni peqataanissaa pilersaarutaanngilaq. Oqaatigisinnaavarpulli Nunatsinni Nakorsaaneqarfimmit videokkut malinnaasoqarumaarpat, innuttaasullu peqqissutsimut tunngatillugu apeqqutigisaat tassuuna akineqartarumaarlutik.

3. Peqqissutsimut Naalackersuisoq Naalackersuisut pingasut Kuannersuit pillugit ataatsimiititsilerpata peqataaniangippat, taava qaqugu peqqissutsimut naalackersuisoq innuttaasunut ataatsimiititsiniarpa kuannersuit pillugit?

Nr.2-mi akissut takuuk.

Inussiarnersumik inuulluaqqusillunga
Med venlig hilsen



Anna Wangenheim